

BOSANSKO-PODRINJSKI KANTON GORAŽDE

OSNOVNE INFORMACIJE

- 1. Naziv programa:** „ Subvencije javnim preduzećima“
- 2. Period realizacije Programa:** 01.01.2009.- 31.12.2009.godine
- 3. Područje:** Bosansko-podrinjski kanton Goražde
- 4. Oblast:** Javna preduzeća Bosansko-podrinjskog kantona Goražde
- 5. Ukupna vrijednost Programa:**
85.000,00 KM
- 6. Partneri u imlementaciji:** Javna komunalna preduzeća na području Bosansko – podrinjskog kantona Goražde, kao i druga Javna preduzeća na području Bosansko – podrinjskog kantona Goražde
- 7. Korisnici /ciljane skupine:** Javna preduzeća sa područja Bosansko – podrinjskog kantona Goražde

PREDLAGAČ PROGRAMA

Ministarstvo za privredu Bosansko-podrinjskog kantona Goražde
Maršala Tita 13 Goražde
038/228-640
www.bpkgo.ba
e-mail: privreda@bpkgo.ba

1. UVOD

Program „Subvencije javnim preduzećima“ utvrđen na ekonomskom kodu 614400 - Subvencije javnim preduzećima budžeta Ministarstva za privredu za 2009.godinu rađen je u skladu sa članom 39. i članom 44. Zakona o izvršenju budžeta Bosansko-podrinjskog kantona Goražde za 2009.godinu („Službene novine Bosansko-podrinjskog kantona Goražde“ broj: 4/09).

Javnim preduzećima sa područja Bosansko-podrinjskog kantona Goražde, neophodno je da u ovoj 2009.godini, tj.godini svjetske ekonomske krize – recesije, za održivost u radu i poslovanju i pružanju što kvalitetnijih usluga građanima BPK-a Goražde pruže odgovarajuću pomoć.

Jedan od vidova pomoći koju Ministarstvo za privredu Bosansko-podrinjskog kantona Goražde pruža svake godine Javnim preduzećima jesu subvencije, a koji se koriste u poboljšanju njihovog poslovanja, sanaciji nepredviđenih zahvata, zaštiti ljudi, životinja, šuma, kupovina mašina itd.

Pravo na sredstva po ovom Programu Subvencije javnim preduzećima imaju sva javna preduzeća, registrovana u nadležnom sudu Bosansko – podrinjskog kantona Goražde u skladu sa Zakonom o privrednim društvima („Službene novine Federacije BiH broj: 23/99,45/00,2/02,6/02,29/03) i Zakonom o javnim preduzećima.

2. CILJEVI PROGRAMA

Novčana sredstva koja su usmjerena za ovaj program imaju cilj i namjenu, a to je:

- Podrška u radu i poslovanju kod pružanja što kvalitetnijih usluga građanima Bosansko – podrinjskog kantona Goražde.
- Sanacija nepredviđenih zahvata na proizvodnji i distribuciji vode;
- Pomoć Javnim komunalnim preduzećima kod planiranja i izdvajanja sredstava u cilju obnavljanja objekata, postrojenja i opreme, kako bi preduzeća mogla obavljati osnovnu djelatnost;
- Podrška privrednim društvima za programe planiranja pomoći koje nalaže Zakon o šumama.
- Podrška za projekte zaštite ljudi i životinja predvođena Zakonom većeg nivoa vlasti. U tu svrhu Ministarstvo će subvencionirati projekte i prioritete koje privredno društvo dostavi u vidu zahtjeva.
- Podrška pri rješavanju statusnih pitanja radnika, njihovo zadržavanje na poslu.

3. OSTVARIVANJE PROGRAMA

Period trajanja programa je 12 mjeseci 2009.godine.

Program podrazumijeva osvarivanje ciljeva kroz podsticajna sredstva, a u realizaciji programa učestvuje Ministarstvo za privredu i Javna preduzeća na području Bosansko – podrinjskog kantona Goražde uz konsultacije i uputstva komunalne privredne Komore Federacije BiH.

Program se ostvaruje putem Javnog poziva za dostavljanje programa – aplikacija Ministarstvu za privredu.

- Ministarstvo za privredu Bosansko-podrinjskog kantona Goražde izrađuje i predlaže program, nakon čega prosljeđuje svim Javnim preduzećima na području BPK-a Goražde zahtjev za dostavu programa-aplikacija za dodjelu sredstava.
- Vlada Bosansko-podrinjskog kantona Goražde Odlukom daje saglasnost na utvrđen Program o utrošku sredstava.
- Ministarstvo za privredu Bosansko-podrinjskog kantona Goražde izrađuje **Pravilnik** o izvorima sredstava, uslovima, načinu i postupku dodjele sredstava, sa uputstvom o radu komisije za dodjelu sredstava koja je sastavni dio programa;
- Komisija koordinira aktivnosti učesnika u realizaciji ovog programa i vrši nadzor nad trošenjem sredstava kroz obilaskе na terenu;
- Nakon utroška sredstava Javna preduzeća su dužna dostaviti Ministarstvu za privredu Izvještaj o utrošenim sredstvima shodno dostavljenim projektima.
- Javna preduzeća koja nisu dodijeljena sredstva u proteklom periodu trošila shodno dostavljenom programu neće biti razmatrana od strane komisije za odabir korisnika za dodjelu sredstava.
- Kantonalnim javnim ustanovama i javnim preduzećima čiji je osnivač Bosansko-podrinjski kanton Goražde neće se odobriti sredstva po Programu „Subvencije javnim preduzećima“ za 2009. godinu, dok ne dostave Izvještaj o radu za 2008. godinu i Program rada za 2009. godinu.
- Općinske javne ustanove i javna preduzeća koja budu konkurisala za sredstva po Programu „Subvencije javnim preduzećima“ za 2009. godinu, dužna su dostaviti Odluku Općinskog vjeća o usvajanju Izvještaja za 2008. godinu i Program rada za 2009. godinu.

4. TROŠKOVI REALIZACIJE PROGRAMA

- Sredstva za realizaciju ovog programa su utvrđena u budžetu Ministarstva za privredu na ekonomskom kodu 614400- Subvencije javnim preduzećima u budžetskoj 2009.godini u iznosu od 85.000,00 KM.
- Za provođenje programa će biti angažovani uposlenici Ministarstva za privredu u toku radnog vremena bez posebnih nadoknada;
- Eventualno angažovanje konsultanata iz drugih ministarstava i institucija će se vršiti u okviru njihovih redovnih aktivnosti sa troškovima njihovih redovnih plaća i naknada.
- Troškovi prevoza i goriva pri obilasku za utvrđivanje činjenica će biti u okviru troškova za redovne aktivnosti.
- Neophodna sredstva za informisanje i javno oglašavanje putem sredstava javnog informisanja planiraju se u iznosu od 250,00 KM, a biće realizovana sa ekonomskog koda 613900 – Ugovorne i druge posebne usluge.

5. KRITERIJI ZA DODJELU SREDSTAVA

Red. br.	KRITERIJ	Poeni			UKUPNO
		3	2	1	
1.	Vrsta i obim aktivnosti za koje se traži subvencija po predmetnom programu - Interventna nabavka rezervnih dijelova i opreme iz procesa proizvodnje i usluga u cilju pružanja usluga građanima BPK –a Goražde - Aktivnosti naložene zakonima viših nivoa vlasti - Održivost proizvodnje i usluga kroz praćenje kvaliteta usluga građanima BPK-a Goražde	3	2	1	
2.	Vrsta djelatnosti Javnog preduzeća - proizvodna djelatnost - proizvodno –uslužna djelatnost - uslužna djelatnost	3	2	1	
3.	Broj stalno uposlenih radnika - do 10 radnika - od 10 – 20 radnika - više od 20 radnika	3	2	1	
4.	Broj otpuštenih radnika iz Javnog preduzeća u 2008.godini - Bez otpuštanja - 1 do 3 radnika - više od 3 radnika	3	2	0	
5.	Broj novoprimljenih radnika u 2008.godini na neodređeno vrijeme - bez prijema - do 5 radnika - i više od 5 radnika	0	2	3	

Javna preduzeća sa područja Bosansko – podrinjskog kantona Goražde ne mogu aplicirati po istom Programu po kojem su dobijali sredstva podsticaja u 2008.godini. Takođe se neće razmatrati aplikacije javnih preduzeća koja dosad dobijena sredstva subvencije nisu uredno pravdali putem izvještaja prema resornom ministarstvu.

Javna preduzeća sa područja Bosansko – podrinjskog kantona Goražde koja dobiju subvencije po apliciranom programu za 2009.godinu imaće za cilj:

- pružanje što kvalitetnijih usluga građana Bosansko – podrinjskog kantona Goražde
- povećanje broja uposlenih i zadržavanje postojećeg broja uposlenih
- održivost postojećeg stanja proizvodnje i usluga.

6. RIZICI PRILIKOM REALIZACIJE PROGRAMA

Pravilnom organizacijom aktivnosti na provođenju ovog programa, izborom stručnih uposlenika za članove komisije za ocjenu ponuda uz kontrolu rada komisije uz isključenje pristrasnosti ili bilo koje druge vrste diskriminacije ponuđača kod odabira i primjene kriterija iz Pravilnika, kao i pravilnim usmjeravanjem i praćenjem realizacije i efekata i na kraju sveobuhvatnom analizom izvještaja o utrošku sredstava, nepredviđenih rashoda i rizika neće biti.

7. ZAVRŠNE NAPOMENE

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, program se može mjenjati, povećavati ili smanjivati iznos sredstava.

Na utvrđeni Program od strane Vlade Bosansko – podrinjskog kantona Goražde kojeg je predložilo Ministarstvo za privredu Bosansko-podrinjskog kantona Goražde, Skupština Bosansko-podrinjskog kantona Goražde je dala saglasnost svojim aktom broj:01-14-467/09 od 19.05.2009.godine.

MINISTAR

Broj:04-14- 1152-2/09
Goražde, 24.04.2009.godine.

Mustafa Kurtović, prof.

Na osnovu Programa utroška sredstava „Subvencija javnim preduzećima“ za 2009. godinu“ na koji je Skupština Bosansko-podrinjskog kantona Goražde dala saglasnost svojom Odlukom broj 01-14-467/09 od 19.05.2009.godine, Ministar za privredu Bosansko-podrinjskog kantona Goražde, d o n o s i:

P R A V I L N I K

o izvorima sredstava, uslovima, načinu i postupku dodjele sredstava po Programu „Subvencije javnim preduzećima“ za 2009. godinu“ sa uputstvom o radu komisije

Član 1.

Ovim Pravilnikom utvrđuju se izvori sredstava, uslovi, način i postupak dodjele sredstava po Programu „Subvencije javnim preduzećima“ za 2009.godinu (u daljem tekstu: Program), uputstvo o radu Komisije za dodjelu sredstava, organi i tijela za provođenje Programa, kao i način implementacije i utroška sredstava, te kontrola i mjere namjenskog utroška sredstava, kao i druga pitanja.

Član 2.

Za realizaciju Programa iz člana 1. ovog Pravilnika korišće se sredstva utvrđena u Budžetu Bosansko-podrinjskog kantona na ekonomskom kodu Ministarstva za privredu Bosansko-podrinjskog kantona Goražde 614400-Subvencije javnim preduzećima za 2009.godinu u ukupnom iznosu od 85.000,00 KM koja će se dodijeliti putem Javnog poziva od strane Ministarstva za privredu.

Član 3

Pravo na dodjelu sredstava iz predhodnog člana imaju sva Javna preduzeća sa područja Bosansko-podrinjskog kantona Goražde registrovana u skladu sa Zakonom o javnim preduzećima i Zakonom o privrednim društvima sa sjedištem na području Bosansko-podrinjskog kantona Goražde, i to u sljedeće svrhe:

- podrška u radu i poslovanju kod pružanja što kvalitetnijih usluga građanima Bosansko-podrinjskog kantona Goražde;
- u povećanju broja uposlenih;
- podrška u sanaciji nepredviđenih zahvata na proizvodnji i distribuciji vode;
- pomoć Javnim komunalnim preduzećima kod planiranja i izdvajanja sredstava u cilju obnavljanja objekata, postrojenja i opreme, kako bi preduzeća mogla obavljati osnovnu djelatnost;
- podrška za projekte zaštite ljudi i životinja predvođena Zakonom većeg nivoa vlasti;
- podrška pri rješavanju statusnih pitanja radnika, njihovo zadržavanje na poslu;
- održivost postojećeg stanja.

Član 4.

Kao korisnici ovih sredstava, mogu biti sva Javna preduzeća čija je osnovna djelatnost pružanje usluga građanima Bosansko-podrinjskog kantona Goražde, shodno Zakonu o javnim preduzećima po sljedećim uslovima:

- da su registrovani na području Bosansko-podrinjskog kantona Goražde u skladu sa Zakonom;
- da su im uposlenici u stalnom radnom odnosu;
- da posjeduju Investicioni program sa svim potrebnim elementima i fazama realizacije;
- da su do sada opravdali i namjenski utrošili sredstva dodijeljena od strane Bosansko-podrinjskog kantona Goražde

Član 5.

Sredstva utvrđena u članu 2.ovog Pravilnika u iznosu od 85.000,00 KM će se dodijeljivati putem Javnog poziva koji objavljuje Ministarstvo za privredu Bosansko-podrinjskog kantona Goražde. Javni poziv će biti otvoren najmanje 15 dana i isti će biti objavljen na službenim oglasnim pločama Bosansko-podrinjskog kantona Goražde i sredstvima javnog informisanja, a sve u cilju zadovoljenja načela javnosti i transparentnosti dodjele sredstava, a potencijalni korisnici sredstava će u roku objavljenom u Javnom pozivu moći aplicirati za dodjelu sredstava.

Za provođenje Javnog poziva formiraće se komisija za prihvatanje, otvaranje i ocjenu Investicionog programa za korištenje sredstava po Programu „Subvencije javnim preduzećima“, a komisiju će svojim aktom formirati Ministarstvo za privredu Bosansko-podrinjskog kantona Goražde uz saglasnost Vlade Bosansko-podrinjskog kantona Goražde, koja će brojati 5 (pet) članova.

Član 6.

Komisija iz člana 5. ovog Pravilnika će raditi u skladu sa Programom, ovim Pravilnikom i Javnim pozivom a odluka komisije će se donositi na sjednicama komisije koncenzusom ili većinom glasova svih prisutnih članova komisije.

Komisija ima ovlaštenje da u slučaju nejasnoća iz dostavljene dokumentacije, Investicionog programa, zatraži određena pojašnjenja od strane ovlaštenih osoba Javnih preduzeća, a ista nema pravo sugerisati ili samovoljno vršiti bilo kakve izmjene ili druge tehničke ispravke u dostavljenoj dokumentaciji.

O svom radu Komisija je dužna da vodi zapisnik i da na kraju svog zadatka sačini izvještaj o radu.

Tačni zadaci, rok izvršenja zadatka , kao i ostale pojedinosti u radu komisije odrediće se u aktu o formiranju komisije.

Član 7.

Za provođenje programa kao i za ostale aktivnosti na realizaciji istog biće zadužena radna tijela, odnosno komisije, Ministarstvo za privredu, Ministarstvo za finansije i Vlada Bosansko-podrinjskog kantona Goražde, svako iz svoje nadležnosti.

Član 8.

Konačne odluke oko raspodjele odnosno dodjele svih sredstava donosiće Vlada Bosansko-podrinjskog kantona Goražde na prijedlog resornog Ministarstva odnosno radnih tijela i Komisija.

Član 9.

Ovaj pravilnik stupa na snagu danom stupanja odnosno donošenja Programa utroška sredstava „Subvencije javnim preduzećima“ za 2009.godinu i isti je njegov sastavni dio, te će se objaviti zajedno sa programom .

MINISTAR

Mustafa Kurtović prof.

Broj: 04- 14-1152-3 /09
Goražde, 06.05.2009.godine